

## 2 YOANE

### Pepa Yoane ñgere muli panzi kalo-tawana tamâta

*Yesu ne pâri tamâta Yoane ñgere ñgua panzi kalo-tawana tamâta ñgu (1Yoane), aku zo pinde ilâ lâ, ñineña ñgere ñgua ñine ñana ile-leanzi pananâña tamâta lañeña pinde simo ñgu ñgininzi. Tiambo ñgere ñgua ñine ilâ pa taine tonje tâku isia ñgua nâ ku ñgere pa ñgu tonje tâ (1,4,5); ñine kinda tasama tia. Yoane ne ñgua ñalae nde mine; kinda ma tapakatona sondo ñananzi tamâta ñinde situla ñgua lañeña ñana Yesu Kirisi kâ, ku ma tapaveta kuku ñgua mao ñinde Yesu muña ipanananzi tamâta.*

<sup>1</sup> Naña amo kalo-tawana tamâta ñgu nenzi katonâña. Naña angere ñgua lâ pepa ñine tini imâ pa noko taine ñalae tavanzi noko natu wukale. Maro Kindeni muñgani ipateami tu ma kamo i ne ñgu sondo. Naña aporo ñgua mao nâ mine tu naña ilongu ndo keno pami. Andeta naña simbongu nâ ilongu keno mine, ande tia. Kinzi tamâta rârâni kala uru sipaveta kuku ñgua mao, kinzi ñinde kala ilonzi ndo keno pami.

<sup>2</sup> Ñgua mao ñinde uru imo ku kinda, ma imo mine ku imo nâ. Mine nde maka iloma ndo keno pami.

<sup>3</sup> Kinda uru tapaveta kuku ñgua mao, aku uru tininda mwasa panzi tininda pinde tona. Mine kala Tamânda Maro Kindeni anga Yesu Kirisi,

ina Tamânda Natu, kinzi rua nenzi wisi-wisi wa kalo-sukâŋa wa wisi-pisi wa imo ku kinda.

*Ara ŋana kinda ma taponu muli pa tini-mwasa ne vetâŋa*

<sup>4</sup> Naŋa aloŋo noko natu pinde parinanzi tu kinzi uru sipono muli pa ŋgua mao, ikura kinda Tamânda muŋga iporo pa kinda tu ma taveta mine. Aku naŋa ilonŋu ndeka ndo ŋana ŋinde kâ.

<sup>5</sup> Aku taine ŋalae, kala ŋine naŋa ano pano tu ma kupaveta kuku ŋgua tukuŋa ŋine; kinda rârâni taitu-taitu ma tininda mwasa ndo panzi tininda pinde. Naŋa anŋere ŋgua tukuŋa wasaseki tonŋe imâ pano, ande tia. Muŋgani, lâ nia ndoyo, kinda takai ŋgua tukuŋa ŋinde lâ.

<sup>6</sup> Ambo tini-mwasa ne vetâŋa ŋinde ma ikeno kaika pa kinda, ande kinda ma taponu muli pa Maro Kindeni ne tukuŋa rârâni. Nia ndoyo, aku imâ lee ipâŋga lâ zo ŋine, ande miki kaloŋo i ne tukuŋa ndainani nâ tu kinda ma tininda mwasa ndo panzi tininda pinde.

*Kinzi laŋeŋa tamâta nenzi mâsi kilala*

<sup>7</sup> Kinzi laŋeŋa tamwatanzi rârâ nde silâ sikura nia ndoni lâ tâno kulu, aku sitogo tu silaŋe kinda. Kinzi nenzi kalo-tawana nde ikeno mine; “Yesu Kiriŋi nde koroani nâ, i ŋandai tamâta mao ŋga.” Kinzi tamâta mine nde laŋeŋa tamwatanzi, aku simo Yesu Kiriŋi ne kazâŋa tamâta.

<sup>8</sup> Mine nde miki kapakatona sondu ŋga. Tia ma wurâta ŋinde miki uru kamakâsa ŋana kaveta kâ, ande ma kanaŋo tia. Ambo miki ma

kamandi kaika, ande muli Maro Kindeni ma kulu ñalae ilami, ipakura kuku nemi wurâta ñinde.

<sup>9</sup> Ambo tamâta tonje ñandai ipaveta sondo kuku Yesu Kirisi ne ñgua, aku isoŋga ilâ wa imâ wa ñana ikai ñgua pinde kâ, ande Maro Kindeni ipaipa kuku tamâta ñinde, ande tia. Aŋga tamâta ea kinzi uru sipaveta sondo kuku Yesu Kirisi kawa ñgua, ande kinda Tamânda ku Natu rua sipaipa kunzi tamâta ñinde.

<sup>10</sup> Ambo tamâta tonje ma imâ pami ku ipananami ñana ñgua pinde kâ, andeta ñgua ñinde ikeno piti lâ Yesu Kirisi kawa ñgua ñinde, ande miki ma kawami “kari ara” pa tamâta ñinde wa kakai imâ imo kumi lâ nemi luma ilo, mine ndimo.

<sup>11</sup> Tamâta ea kawa “kari ara” pa tamâta mine, ande ñinde itogo ivila i ñana ne wurâta sakamao ñinde kâ.

### *Katonâŋa ilo ndo tu ma imoranzi*

<sup>12</sup> Naña ilonngu tu angere ñgua rârâ imâ pami, andeta naña tiningu pwâka tu ao ñgua ñinde lâ pepa tini. Naña ilonngu tu naña warakâŋgu ma amâ amora miki. Ninenŋa kinda ma takura tu taporo wa tapalonjo wa, aku nenda ndekâŋa ma ipâŋga ñalae ndo.

<sup>13</sup> Maro Kindeni muŋgani ipatea noko tua taine pa i tamwata. Aku noko tua ñinde natu wukale kawanzi kari ara pano.

**MARO KINDENI KAWA NGUA**  
**The New Testament and Psalms in the Sio Language**  
**of Papua New Guinea**  
**Nupela Testamen long tokples Sio long Niugini**

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

---

PDF generated using Haiola and XeLaTeX on 18 Apr 2025 from source files dated 31 Aug 2023

b3b81168-89df-5bc3-8b0c-cf72ef93d3de